



NEWS RELEASE

February 9, 2010

CEBUANO

Mga WWII nga Beterano Naa Pay Usa ka Semana para Mo-Aplay sa Kas-ang Pagbayad sa Benepisyo Ang Aplikasyon Kinahanglang Madawat sa USDVA hangtod sa February 16, 2010.

Ang claim sa mga Filipino WWII nga mga beterano para sa benepisyo gikan sa 2009 Filipino Veterans Equity Compensation, probisyon sa American Recovery and Reinvestment Act (ARRA) atong 2009 kinahanglan madawat sa US Department of Veterans Affairs (USDVA) sa Pebrero 16, 2010. Kaning kas-ang pagbayad nga benepisyo nahitabo tungod sa pagpasa sa ARRA sa US Congress ug napirmahan ni President Obama atong February 2009 para sa pag-ila sa serbisyo sa mga kuwalipikadong beterano.

Mahatag ni nga kas-ang pagbayad nga benepisyo sa elidybol nga beterano o balo atong elidybol nga beterano nga nakahatag ug aplikasyon bag-o namatay. Kung naa may pagbag-o sa balaod nga makahatag ug dugang nga benepisyo sa uban pang nabilin nga pamilya, kinahanglan ug bag-ong lehislasyon sa US Congress. Ginapaspasan ang pagproseso sa tanang aplikasyon nga nadawat para makadawat dayon ang benepisyo sa mga kuwalipikadong beterano.

Adtong December 2009, na-aprobahan sa USDVA ang aplikasyon sa mga 11,300 nga elidybol nga Filipino WWII nga beterano o balo; kani sila nabayaran na sa kantidad nga P 6.4 bilyon. Mga katunga sa P 6.4 bilyon nabayad sa Filipino WWII nga mga beterano nga nahimong US citizen, ug halos katunga pud ani nabayad sa dili US citizen nga Filipino WWII nga mga beterano.

Gi-awhag ang mga dili sigurado kung kuwalipikado nga mag-aplay bag-o moabot ang February 16, 2019 bisan pa ug dili sili makahatag ug kumpletong papeles kabahin sa ilang serbisyo. Kinahanglan lang na mapirmahan ang porma. Kung kinahanglanon pa namo ang papeles kabahin sa serbisyo ug uban pa nga dokumento, ang USDVA na ang mahibalo mangita ani or mosulat ang USDVA sa aplikante para masultian kung unsa pang mga dokumento ang kinahanglan.

Walay listahan sa mga kuwalipikadong beterano para aning bag-o og kas-ang bayad nga benepisyo. Dili pare-pareho ang mga aplikasyon busa ang pagdesisyon base sa ebidensya sa kada aplikante. Gina-awhag ang tanong beterano nga batilila

elidyibol nga mo-aplay dayon. Libre ug simple lang pag-aplay. Dili kinahanglan mobayad para matabangan sa pagkumpleto sa porma ug pwede ninyo ipadala sa US Embassy. Kung ipadala sa koreyo , siguraduha lang nga madawat sya sa USDVA sa February 16, 2010, kataposang adlaw sa pag-aplay. Dili pwede ipadala ang aplikasyon sa kataposang adlaw sa koreyo kay kinahanglan madawat na ang porma sa USDVA sa kataposang adlaw nga February 16, 2010.

Pwede ihatag ang inyong aplikasyon sa opisina sa USDVA sa US Embassy. Pwede pud motawag sa USDVA sa 632-528-2500 o tawag ug libre kung gawas sa Metro Manila sa 1-800-1888-5252 para sa dugang nga impormasyon. Dili kinahanglan magpa-appointment para mahatag ang aplikasyon para aning bagong benepisyo.

Ang mga beterano nga naka-aplay na makadawat ug kamatuoran nga nadawat na namo ang aplikasyon sa USDVA. Dili kinahanglan magpadala usob ug aplikasyon o mokuha ug dugang nga dokumento kabahin sa serbisyo kondili pangayuong sa USDVA.

Ang USDVA nagpadala ug grupo sa Philippine Veterans Affairs Office (PVAO) sa Camp Aguinaldo para modawat ug mga aplikasyon sugod Lunes, Pebrero 8, 2010 hangtod Pebrero 16, 2010, ang kataposang adlaw sa pag-aplay. Ang grupo gikan sa USDVA magsugod sa 730 sa buntag hangtod sa 430 sa hapon. Dili na kinahanglan magpalista.

Ang opisina sa USDVA sa US Embassy abri gikan sa 800 sa buntag hangtod sa 330 sa hapon para modawat ug mga aplikasyon karong Lunes, Pebrero 15, 2010. Dili na kinahanglan magpalista. Ang ubang opisina sa US Embassy sarado aning adlawa kay holiday man ning adlawa sa US, Adlaw sa President.

Ang USDVA naa pud nga grupo ang modawat ug mga tawag kabahin sa Filipino Veterans Equity Compensation nga benepisyo sa Lunes, Pebrero 15, 2010. Ang modawat ug mga tawag magsugod sa 8 sa buntag hangtod sa 330 sa hapon sa ug inyo sila matawagan sa numero 528-2500 kung diri lang sa Metro Manila o libre nga number nga 1-800-1888-5252 kung motawag gawas sa Metro Manila.

Ang VA Assistant Director Rick Johnson uban pa sa mga taga-USDVA moadto sa Davao City karong Pebrero 11, 2010 para modawat ug mga kleym para sa Filipino Veterans Equity Compensation Compensation gikan sa mga beteran didtong dapita gika sa 8 sa buntag hangtod sa 2 sa hapon sa Rizal Park atubangan sa City Hall sa Davao City.

Mga dugang nga impormasyon sa pag-aplay ani nga benepisyo makit-an sa website sa US Embassy: <http://manila.usembassy.gov>.

###